

### Sredstva za zaštitu i spašavanje

Ekonom. kod	VRSTA RASHODA	Plan 2007.g.	Korekcija +/-	Prijedlog izmjena
	<b>Kapitalni izdaci</b>	<b>40.000,-</b>	<b>+ 43.840,-</b>	<b>83.840,-</b>
615000	Projekti zaštite od prirodnih i drugih nesreća	40.000,-	+ 43.840,-	83.840,-

#### Član 4.

O korištenju sredstava tekuće budžetske rezerve odlučuje općinski načelnik, a obavezan je kvartalno izvjestiti Općinsko vijeće o utrošcima.

U tekuću budžetsku rezervu izdvaja se 60.000,00 KM.

#### Član 5.

Ova Odluka stupa na snagu danom objavljivanja u "Službenim novinama Kantona Sarajevo", a primjenjuje se od 01.01. 2007. godine.

Broj 01-14.1-7840/07  
9. augusta 2007. godine  
Hadžići

Predsjedavajuća  
Općinskog vijeća Hadžići  
**Vesna Šehović, s. r.**

Na osnovu člana 32. Statuta Općine Hadžići - Prečišćeni tekst ("Službene novine Kantona Sarajevo", broj 29/05), a u skladu sa članom 83. Statuta Općine Hadžići, Općinsko vijeće Hadžići, na 26. sjednici održanoj 9. augusta 2007. godine, donosi

### ODLUKU

#### O PRISTUPANJU IZMJENAMA I DOPUNAMA STATUTA OPĆINE HADŽIĆI

#### Član 1.

Općinsko vijeće Hadžići, u cilju uskladjivanja odredaba Statuta Općine Hadžići sa Zakonom o principima lokalne samouprave u Federaciji BiH ("Službene novine Federacije BiH", broj 49/06) i drugim propisima, pristupa izmjenama i dopunama Statuta Općine Hadžići.

#### Član 2.

Obavezuje se Statutarno - pravna komisija Općinskog vijeća Hadžići da u skladu sa Statutom, Poslovníkom i ovom Odlukom izvrši potrebne pripreme na izradi Nacrta Odluke o izmjenama i dopunama Statuta Općine Hadžići i dostavi na razmatranje Općinskom vijeću.

#### Član 3.

Općinsko vijeće Hadžići će utvrditi Nacrt Odluke o izmjenama i dopunama Statuta Općine i uputiti ga na javnu raspravu odgovarajućim subjektima, koja će trajati najmanje 15 dana, nakon čega će se utvrditi prijedlog i podnijeti Vijeću na usvajanje.

#### Član 4.

Ova Odluka stupa na snagu danom objavljivanja u "Službenim novinama Kantona Sarajevo".

Broj 01-01.2-7839/07  
9. augusta 2007. godine  
Hadžići

Predsjedavajuća  
Općinskog vijeća Hadžići  
**Vesna Šehović, s. r.**

### Općinski načelnik

Na osnovu člana 46. Zakona o prostornom uređenju Kantona Sarajevo ("Službene novine Kantona Sarajevo", broj 7/05) i člana 37. Statuta Općine Hadžići ("Službene novine Kantona Sarajevo", broj 29/05- Prečišćeni tekst), načelnik Općine Hadžići, 21. augusta 2007. godine, verificovao je i donio

### ODLUKU

#### O KOREKCIJI REGULACIONOG PLANA "CENTAR-HADŽIĆI"

#### Član 1.

Usvaja se korekcija Regulacionog plana "Centar- Hadžići" (u daljnjem tekstu: korekcija Plana)

#### Član 2.

Korekcijom Plana utvrđuje se građevinska parcela za izgradnju osnovne škole na parcelama označenim kao: k.č. 919 dio, 920 dio 921 dio, 922 ;923 dio, 935/l dio K.O. Hadžići.

#### Član 3.

Korekcija Plana sastoji se iz tekstualnog dijela i grafičkog priloga broj 2. Situacija.

Tekstualni dio i grafički prilog korekcije Plana su sastavni dio Regulacionog plana "Centar Hadžići" ("Službene novine Grada Sarajeva", broj 13/89).

#### Člana 4.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službenoj dokumentaciji Općine Hadžići, Zavoda za planiranje razvoja Kantona Sarajevo i Ministarstva prostornog uređenja Kantona Sarajevo.

#### Član 5.

Ova Odluka stupa na snagu osmog dana od dana objavljivanja u " Službenim novinama Kantona Sarajevo".

Broj 02-23.1-8079/07  
21. augusta 2007. godine  
Hadžići

Načelnik  
Općine Hadžići  
**Hamdo Ejubović, s. r.**